

صوت بشر والكون صارت فيه ضجّات وارض المدينة أتزلزلت واعتلت صيحات

أخبار جت من كربلا يا أهل طيبه
ليكم ظعن لحسين أقبل من مغيبه
لا أرجال بس لعليل دمعاته صبيبه
ما تشفه أجروحه ولا أتهود الونّات

هد قوّته أمصاب الجرى بالغازيه
كل عزوته راحوا ذبح بسيوف أميه
لكباد حرّى ما أرتوت قطرة أميه
رد أبيتامى والحريم الهاشميات

عد قبر جدّه طاح وعبراته يهلها
قلّه فجيعه كربلا ما أحتملها
إقعد وعاین عيلتك ضايع شملها
ما بين مذبوح ونساوينك سبيّات

طبّة الكوفه أبعجلس الخايب ابن زياد
تالي لقصر ابن الخنا بالشام نبقاد
ضرب وشتّم والناس تنظرنه بالاقباد
لبسوا أثياب العيد واحنه في عزّيّات

سبطك يجدي راسه طافوا به البلادين
من خلفه عمّاتي وخواتي أعلى البعارين
حرقوا قلبنا يوم دشّوا ابنا الدواوين
أمضى من أسهام الحرب نظرة الشّمات